



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Vita B. Francisci Xaverii

Torsellini, Orazio

Coloniae Agrippinae, 1610

XII. Neophyti pro Religione cæsi Christianum nomen illustrant.

urn:nbn:de:hbz:466:1-42323

damq; Christi fidem, quàm interiora India, quæ Brachmanes, acerrimi nostræ religionis hostes, obtinerent. Ita vicatim totam illā maritimam obibat religionē, plurimos vbiq; Christianis sacris ac præceptis imbuens. Iamq; omnes prope Machoarū Parauarumq; Pagi, Francisco auctore, suaue Christi acceperant iugum, eum hæc fama in adiacentes insulas perlata, Manarios, vicinos populos, ad æmulandam eorum pietatem accendit.

CAPVT XII.

Neophyti pro religione cæsi Christianum nomen illustant.

MANARIA parua insula est è regione oræ Piscariæ, millia passuum à continēti circiter CL. In ea Patinus pagus erat tum obscurus, nunc incolarum martyrio nobilis. Huius pagi incolas ingens cupido Christianæ religionis incescit, de qua simul & de Francisco Comorinensibusq; multa egregia ad eos pertulerat rumor. Itaq; eò Franciscus summis Manariorū precibus baptismi causa euocatur. Verùm cùm grauissimis religionis negotijs implicatus, eò ipse ire non posset; Sacerdotem quendam suo loco misit, qui Catechismo institutos baptismo

H 2 ablu-

ablueret. Baptismum grauis sed vtilis
 procella excepit. Quippe Rex Iafanapa-
 taniae, in cuius ditione insula est, Chri-
 stiani nominis odio barbaram ferociam
 stimulante, sic exarsit ira, vt, immissa mi-
 litum manu, pagum omnem ferro flam-
 maque vastaret. Cæsi dicuntur pro reli-
 gione amplius DC. Ita vasta illa solitudo
 recentes cælo effudit martyrum flores. Ex
 eo, Pagus martyrum, loco nomen factum.
 Opportunè per eos dies Iafanapatani
 Regis germanus, idemque regni hæres,
 fraternam rabiem veritus, ad Indiarum Præ-
 torem confugerat, si in regnum patrum
 Lusitanis armis restitutus foret, semet-
 cum regni Proceribus, maximaque po-
 pularium suorum parte, Christiana sus-
 cepturum sacra promittens. Prætor simul
 augendæ religionis studio, simul inno-
 centium cæde motus, quam fama audie-
 rat, ingentem in tyrannum iram cõcepit.
 Protinus itaque ad Nagapatanum (quod
 oppidum maritimum in continenti est fe-
 rre contra insulam Manariam, à Comori-
 no promontorio passuum millia circiter
 CC.) validam adornari classem, Iafana-
 pataniae Regem bello peti, victum ca-
 ptumque interfici, aut ad Francisci arbi-
 trium tractari, Regnum Regis germani
 restitui iubet. Interea dum Cocini esse

*Nagapa-
 tanum op-
 pidum.*

Xa

Xaverius, eò præfens affertur lætitia,
 Ethnicorum plurimos nuper in remotif-
 ſimo Macazariæ Regno Christianis eſſe
 myſterijs imbutos. Macazaria ingens in-
 ſula vltra Indiam flumenq; Gangem eſt
 amplius decies centena millia paſſuum,
 à Molucis inſulis in Orientem circiter
 CXXX. In eo Regno Dynaſtę tres, aliiq;
 quàm plurimi è populo, nuper ad Chriſti
 fidem per Antoniũ Paiuam, Luſitanum
 mercatorem, pellecti baptizatiq; fuerāt;
 Deo etiam per inſtitores pios Euange-
 lium inuehente. Itaq; ad urbem Luſita-
 norum, Malacam nomine, certos lega-
 uerant homines, poſtulatũ Sacerdotes, à
 quibus ad Chriſtianam religionem eru-
 direntur. In mandatis illud fuit, ſe Chriſti
 initiatos ſacris ſumma ope annifuros, vt
 qui ad id tempus pecudũ vixiſſent ritu,
 poſthac hominum vitam viuerent, & ſi-
 mul Deum colerent caſtę pięque. Quo-
 circa Præfectus urbis, probatis eorum
 poſtulatıs, Sacerdotes aliquot eis conceſ-
 ſerat. Franciſcus etſi haud dubius, quin
 illi nauaturi forent egregiã rei Chriſtia-
 nę operam, tamen ipſe quoq; in parte la-
 boris eſſe expetiuit, ratus in tam amplo
 Regno magnum eſſe campum; & ad Eu-
 angelium diſſeminandũ colẽdũque,
 induſtriam requiri multorum. Eisdem

*Macaza-
ria inſula.*

fermé diebus tristes quidem prima specie nuntij, sed euentu læti, ex Ceilano insula perferuntur. Dynasta eius regni principus, idemq; Regis filius natu maior, Lusitanorum (hi quoque non mercium magis, quàm Euangelij institores erant) oratione commotus, vnà cum alijs mul-

*Regis fili⁹
cum alijs
DC. pro
religione
interfici-
antur.*

*Crucis
prodigia.*

tis decreuerat fieri Christianus. Id Rex barbarus vbi rescituit, instinctus rabie, filium suum cæterosque eiusdem consilij participes (ad DC. fuisse ferunt) pro- lam trucidari iussit. Cæterùm baptisimi hostis suo illos sanguine baptizauit, & Christianam religionē, dum opprimere conatur, erexit. Satis constat, sub idem tempus vulgò ab incolis visam esse igneam in cælo crucem: eodemque in loco, vbi cædes facta est, fatiscente terra, haud dubiam crucis figuram notatam; sapiusque ab Ethnicis ingesta oppressam humo, tamen extitisse. Itaque hisce prodigijs moti plures incolarum, atque inter hos Regis ipsius filius natu minor, vnà cum sobrino suo, & aliquot cohortis regis Principibus, ad Christi fidem adiecerant animū. Xauerius hoc nuntio lætus, etsi iam eius animus in Macazatorū finibus versabatur; tamen huic negotio avertendum existimauit. Igitur mense A-

prili, anno post Christum natum M. D. XLV. Manfilla Comite, Cocino soluit ea mente, vt Ceilanum insulam peteret, exploraturus animos incolarum; atque inde Nagapatanum, vbi classis ad expeditionem instructa dicebatur, primo quoque tempore traiecturus.

CAPVT XIII.

In Ceilanum insulã transmiffus, nauis gubernatorẽ à perdita vita reuocat.

CEILANVS insula est, cum gemma-
rum & aliarum mercium, tum ma-
ximè cinnamomi fertilitate celebris, è
regione oræ Piscariæ posita. Patet in lon-
gitudinem millia passuum CL. in latitu-
dinem circiter XL. Vltiori Ceilani an-
gulo adiacet insula Manaria, vbi cæsos à
Rege Iafanapatanię neophytos diximus.
Incolitur quidem Ceilanus à Malauari-
bus, quos Cingalas vocat, sed à Lusitanis
mercatoribus cõmercij causa frequenta-
tur. Oppidum inibi Lusitanorũ hodie est:
& sacella quædã ab eis olim ad vsum sa-
crorũ excitata videntur in littore. Huc igi-
delato Xauerio, res accidit memorabilis.
Gubernator nauis familiaritate inductus,
quã cū Francisco cõtraxerat, ingenuè se-
met illi in itinere indicarat, ostēdēs, se iã-

*Ceilanus
Insula.*